

# ЯНГЫ 2024-НЧЮ ЙЫЛЫГЪЫЗ КЪУТЛУ БОЛСУН!



# БАБАЮРТНУ ЯНГЫЛЫКЪЛАРЫ

№ 01 (9200)  
итнигюн  
1 январ  
2024 йыл

Газета выходит  
на кумыкском и  
русском языках

Районну жамият-политика газети

Газет 1935-нчи йыл апрель айдан тутуп чыгъарыла



## Районну башы Даниял Исламовну ватандашлагъа Янги йылны алдындагъы чакъырыву



**Районну гъюрметли ватандашлары, аявлу ёлдашлар!**

2023-нчю йыл бизин гъарибизге гъар тюрлю янгиликълар алып гелди: ёлугъулар, сююнчлер ва талчыкълар. Оьтген йыл гелтирген къайгылыны арты къысгъа болажакъгъа, янги етишип гелген 2024-нчю йыл бизге янги суюнч, татывлукъ, бирлик ва паракатлыкъ гелтирежекге инанмагъа сюемен.

Оьтген 2023-нчю йылда биз хыйлы ишлер этмеге болдукъ. Шоланы арасында, айрыча, районну эки школаны толу кюйде ремонт ишлер этилгенни, Мужукъайны, Тамазатёбени, Геметёбени, Хамаматюртну, Адил-Янгиюртну, Герменчикни ва Бабаяуртну орамларына асфальт тутулгъанны эсгерсем де таманлыкъ эте. Эсгерилген юртланы халкъы шо ишлени яшавгъа чыгъывун узакъ йыллар гёзлеген эди. Бу йыл юртлуланы шо умуту да яшавгъа чыкъды. Умуми кюйде алгъанда, бу йыл районну юртларында 8 чакъырымгъа ювукъ ёлагъа асфальт тутулду, 1 номерли Львовский юртда янги школа, Хамаматюртда яшлар баву, Тотаюртда, Геметёбеде, Туршунайда, Янги Хасада ва Адиль-Янгиюртда гиччи топ оюн, Бабаяуртда буса уллу топ оюн майданлар къурулуп, шону булан бирге юртлу халкъны яшавун бираз сама да энгил этмеге имканлыкълар яратылды. Озокъда, этмеге герек ишлер дагъы да кёп бар. Янги етишип гелген 2024-нчю йылда да шо ишлени узатмагъа умутлубуз.

Аявлу халкъым, кёп миллетли районну ватандашлары! Бизин баш умутубуз – анадаш районубузну халкъларыны яшавун яхшы этмек, ону гъар мююшон, гъар юртун юртлулар саялы тюрлендирмек. Сизин кёмегигиз булан шо уллу умутланы яшавгъа чыгъармагъа шайлы энгил болажакъ деп эсиме геле. Бир ташдан къала болмас дегенлей, халкъ учун этилеген гъаракатда инг башлап халкъны кёмеги герек бола. Мен шо кёмекни гъар гюн дегенлей гъис этемен ва сизге гъакъ юрекден баракамны билдиремен.

Янги гелген 2024-нчю йыл барыгъызгъа да савлукъ, суюнч ва паракатлыкъ алып гелсин! Етишип гелген янги йыл моллукъну ва татывлукъну йылы болсун!

Муниципал районну башы

Д.П.ИСЛАМОВ

**Районну гъюрметли ватандашлары!**

Район Жыйынны депутатларыны ва оьзюмню атымдан гъакъ юрекден сизин етишип гелген янги 2024-нчю йыл булан къутлайман.

Оьтюп барагъан йылыбыз кыйы болса да, яхшы янлары да кёп болду. Районда халкъны яшавун яхшылашдырмакъ учун кёп ишлер этилди.

Янги йыл адамны юрегине умутлар гелтире. Янги йылгъа барыбыз да янги хыйллар булан чыгъабыз.

Янги 2024-нчю йылда яшавугъузда кёп суюнчлер, юрегигизге тутгъан муратлагъа етишмекни ёрайман. Дюнъяда паракатлыкъ да болуп, кёгюбюз гъаман да ачыкъ болсун. Районну бары да ватандашларына къатты савлукъ, шатлыкъ, ата-аналар авлетлерини кыйыларын гёрмейли, суюнч булан яшамагъа насип болсун.

Районну аявлу ватандашлары! Районубузну аты гъаман да оьрлюкге айтылсын, халкъы шат яшасын!

Район Жыйынны ёлбашчысы  
А.А. АКЪМУРЗАЕВ





# БАРАКАЛЛА БИЛДИРЕБИЗ

**Герейхан ГЪАЖИЕВ,**  
район администрацияны маълумат политикасыны  
ва массалык коммуникацияларыны управленийесини  
директору - баш редактору

Йиллар бою газетте язылаганлар ва охувчулар район газетте ва коллективге этеген сыйгызыз, гъюрметигиз – бизин учун багъасы ёкъ хазна. Оьтген 2023-нчу йылда номерден-номерге газетни охувчуларын къужурлу ва санлы маълаларыбыз булан сюндюрмек учун гъаман да йимик этек ча-



лып чалышдыкъ, сиз де газетибизден айырылмай ону яннаврунда турдугъуз. Газетни гъар номерин гъасирет кюйде къаравуллайгъаныгъызы да билебиз. Бу янги йылда да, жележекде де «Бабаюртну янгылыкълары» сизин гъакъ, ретни газетигиз болуп, халкъыбызгъа ва бютюн районгъа гъалал къуллукъ этежекге шеклик этмегиз.

Янги маълумат технологияланы дѳвюрюнде яшай туруп, огъар гѳре абат алмаса да бажарылмай. Шо дѳвюр алмашынвланы талап эте. Кагъыз маълумат берив къураллар эсгиленип тура. Айрокъда ашѳрюмлер газетлени къолуна тутмайлар. Шогъар да себеплер ёкъ тюгюлдюр. Мени эсиме гелеген кюйде, шону аслу – Интернет маълуматланы тез ягъанлыкъда. Шогъар гѳре, районда болуп турагъан гъалланы савлай дюньягъа билдирмеге болагъан имканлыкълардан биз де пайдаланабиз.

Оьтген йыл да «Бабаюртну янгылыкълары» деген сайт республиканы озге газет чыгъарыв къуралларыны арасында оз ерин тапды. Гъасили, яхши ишлейген онавуну арасына да гирди. Шо иште газетни уьстюнде ишлейген гъар къуллукъчуну оз къошуму бар.

Сонг да, газетни охувчуларыны сидраларын яшѳрюмлер булан да толумлашдырмакъ муратда, оланы арасында бек яйылгъан «Одноклассники», «ВКонтакте» ва Телеграмм йимик жамият торларда да ишибизни узатдыкъ ва шону генглешдирип яхши этмеге гелеген йылгъа да алдыбызгъа борчлар салгъанбыз. Районда ва республикада болуп турагъан яхши ишлени гъар районлугъа бар кюйде этишдирмек – бизин сыйлы борчубуз. Сонг да, райондан тышда яшайгъан минглер булангъы районлуланы гичи Ватанында болуп турагъан ишлени гъакъында таныш этмек учун Интернет тору тючлю кѳмек эте. Россияны регионларында, гъатта тыш пачалыкъда яшайгъан ватандашларыбыз бизин районда болуп турагъан ишлени мунда яшайгъанлардан да яхши билегинине бизин де къошуму буз барны айтып макътанып да болабыз. Шогъар жамият торлардагъы бизин гюплени, охувчулары разилиги де шагъат.

Буса да,

газет бизин яшавубузда айрыча ерни тута. «Газет – тарихни биринчи къараламасы» деп айтагъанлай, ондагъы язывланы бузмагъа къыйын. Сонг да, Интернет торуна салынгъан маълуматланы тайдырмагъа, тюзлемеге бажарыла буса, басмадан чыкъгъан газет бар кююнде сакълана, ону узакъ йиллар сакълмагъа да къыйын тюгюл. Мисал учун айтгъанда, бизин редакцияны архивинде гъатта 1900-нчу йылда чыкъгъан «Искра» газетни биринчи номери, ва ондан сонгъу 1939-нчу йылдан берлиги газетлер сакълангъан. Уллу Ватан давну йилларында бизин уллу аталар ва уллу аналар тылда тѳккен къыйын загъматны гъакъындагъы маълуматланы оьсюп гелеген яш наслу унутмасын учун йилны боюнда газетни жавалпы секретары Асият Метеваны къастлыгъы булан гене басмадан чыгъарып турдукъ. Шо ишни гелеген йылда да узатмагъа къастлыбыз.

Оьтген 2023-нчу йылны боюнда, Россияда белгиленген Насигъатчыны ва муаллимни йылына байлавулу болуп, районну школаларында узакъ йиллар яш насалугъа билим ва тарбия бере туруп къайратлы загъмат тѳккен муаллимлени ва насигъатчылары гъакъында маълалар ва очерклер чыгъарылды. Ондан къайры да, охувчуларыбызны тергевюн тартар йимик маълалар, очерклер, янгылыкълар ва тарихи асарлар язып да печат этилди. Дагъыстанны адабият тарихинде биринчилей болуп, белгили рус шаир ва язвучу Михаил Лермонтовну «Бела» деген адабият асары къумукъ тилге гѳчюрюлгенлик ва охувчуларыбызгъа газетни бетлеринден таба этишгенлик де уллу иш болуп токътады. Шоланы гъариси охувчуларыбызны анындан якъла тапды, оланы иштагъландырды. Газетни номерлерин тилеп редакциягъа гелегенлени санаву артгъаны да сѳзлеримни исбатлай.

Бугюн биз Янги йылны алдында район газетте язылыв булан кѳмек къолун узатгъан районну школаларыны, яшлар бавларыны муаллимлерине ва ѳлбашчыларына, оланы арасында Бабаюртдагъы 1 ва 2 номерли, Герменчик, Тюпкъотан ва Адил-Янгьюрт орта школаланы, Хамаматюртдагъы 1 номерли школаны ва 2 де яшлар бавуну, прогимназия «Орлѳнокну», яшлары яратувчулукъ уьюнѳ, Россияны ОМВД-сини район бѳлюгюню, «Тангчолпан» деген Россияны халкъларыны мердешли маданият Центрни ва бизин булан аралыкъларын узатагъан районну озге къурумларыны ва идараларыны ѳлбашчыларына ва коллективлерине теренден разилигибизни билдиребиз.

Юртларда яшайгъан ва редакциягъа маълалар язып, ону ишине кѳмеклешеген юрт мухбирлер Бадюр Гъажимуратовгъа, къасумхан Гъажиевге, Яраш Жумаказиевге, Эльмурза Тонаевге, Магъаммат Бамматовгъа, Магъаммат Атаевге, прокуратураны, ич ишлер бѳлюкюню, МЧС-ни, УСЗН-ни къуллукъчуларына баракалла айтабыз. Оланы очерклерини, маълалары ва билдиривлерини охувчуларыбызны тергевюн тартар.

Газетни гъар номерин кѳп сююп охуйгъан Абидат Абасовагъа, Иманат Дибировагъа, Мариян Дагъировагъа, Мавлет Гъажиевге, Рашидбек Вазирхановгъа, Мутай Матакъовгъа, къасумхан Минатуллаевге, Магъаммат Атаевге, Илмухан

Апаевагъа, къасумхан Гъажиевге, Абдулмажит Кахановгъа, Абит Байрамалиевге, Сайлахан Метеевагъа, Ариват Абдуллаевагъа, Салигъат Алиевагъа, Равгъаният ва Магъаммат Хамавовагъа, Бадиа Алиевагъа ва озгелерине разилигибизни билдире туруп, бизин район газетте бакъгъан якъдагъы янашыву жележекде де яхшылашар деп умут этебиз.

Оьтген йыл уьлкебизни тарихине игитликни ва патриотлукъну йылы гъисапда гирежекге шеклик ёкъ. Бугюн Украинада юрюлюп турагъан хас дав чара ватандашларыбызны энни дагъы болмагъан кюйде бирикдирди, фашизмин ва миллетчилликни ер этивге бары да гюч бакъдырылды. Озокъда, тас этивлер де болмай къалмады. Оьзлени ватандаш ва асгерлик борчун кюте туруп, фашизмин ер этивде къанын-жанын аймай, эркекликни ва къоччакълыкъны уьлгюсю болуп оьлюп гетген къагъруманларыбыз районлуланы эсинде даимге къалажакъ.

Савлай йылны боюнда бизин къоччакъ улаларыбыз, фашизмин тамурларын къыркъа туруп, дав майданда гѳрсетип турагъан къоччакълыкъны ва игитликни гъар районлу билсин учун бизин къолубуздан гелеген бары да гючюбно салып ишледик. 2023-нчу йылда, бизин эркинлигибизни якълай туруп, душманланы къолундан къоччакъ кюйде оьлюп гетген бабаюртлу Магъаммат Хасиевни, адильянгьюртлу Ваха Асхабовну ва Артур Садуллаевни, хамаматюртлу Юнус Гъажиевни, уьмиюртлу Шамил Ибрагъимовну атларын уллу къайгъы булан эсгеребиз. Оланы атлары бизин юреклерибизде даим де яшажакъгъа, къоччакълыкъны оьсюп гелеген яш насалугъа уьлгю болажакъгъа бир де шеклик этмеймен.

Артда да, бизин сююмлю охувчуларыбызгъа, къурдашларыбызгъа ва бары да районну халкъына этишип гелген Янги 2024-нчу йылгызыз къутлу болсун, янги гелген йылыбыз, бары да яманлыкъланы артда къоюп, бютюн уьлкебизни, районубузну халкъына савлукъ, яхшылыкъ, татывлукъ, дослукъ ва моллукъ алып гелеген йыл болсун демеге сюебиз!

**БАБАЮРТНУ ЯНГЫЛЫКЪЛАРЫ**  
№39 (883) уьлгюню 29 сентябрь 2019 йыл  
Газет ямакът къуллукъсиз русски язмакъ  
www.vesti-babayurt.ru | Гъар 1935-нчи йыл апрель айдан тутуп чыгъарыла

**ЯНГИ 2024-НЧУ ЙЫЛЫГЪЫЗ КЪУТЛУ БОЛСУН!**

Буса да,

# ЯНГИ ЙЫЛЫГЪЫЗ ЭРАВАЛАР ВА ЧУМУТЛАР

**Даниял Исламовгъа**  
Районну башын тутгъан, Оьсдюрге умут, хыял... Ишинг булан умутларинг Онгарылсын, Даниял!

**Анварбек Сейтйевге**  
Прокурор Анварбекге Янги йыл – янги ойлор: Низам, закон тюз болуп, Оькюрсюн бизде тойлар.



**Мурат Вагабовгъа**  
Билими башын тутуп, Юрьойсен алда, Мурат. Гичи-уллуну тизип, Билимден этип парад.



**Арсен Хабировгъа**  
Арсенге атив сѳзлер, Савлукъ, оьмюр ишингге. Янги йылгъа ѳравум: Орден болсун тѳшонгге!

**Садия Давтеевагъа**  
Той тавуш, йыр, бийивлер. Театр бары халкъгъа. Культура гъеч болмаса, Бизин халкъыбыз ялкъа.

**Надия Гъажимуратовгъа**  
Кагъыз, посылка сизде Алып, берип боласыз. Аралыкъ юрютмеге, Нечик яхшы, сиз барсыз.

**Алавдин Акъмурзаевге**  
Район Жыйыны башын Тутдунг, йиберме, вѳре... Къарсалама, не айта да, Сабур бол, халкъгъа гѳре.

**Исмайыл Алибековгъа**  
Газ геле, газлар тая, Аш сувлар бола зая. Исмайыл тилевюбюз Кютемен деп иржая.

**Школаланы ѳлбашчыларына**  
Гъакъ юрекден иш гѳрюп, Гичиден уллу эте, Яшлагъа билим берип, Охуп - язма уьйрете.

**Юрт башчылар**  
Халкълар сизин сайлагъан, Юрт башчы дюрсен – ишле! Халкъ арада, вѳрегиз, Сыйдан, абурдан тюшме.

**Артур Мингалиевге**  
ЖКХ сав районгъа Бир бар, юрюте ишин. Сув, орам, яшав уьйлер - Чайкъалма къыймай «Тишин».



**Хансолтан Устарбековгъа**  
Мал, гъайбан, жанлар болсун, Хансолтан тутгъан башын. Къызгъанмай кѳмек эте, Гѳрегендей къардашын.

**Редакцияны къуллукъчуларына**  
Иш редактор Герейхан, Издательствода «Пахан», Янги йылынгъи къутлап, Эльмурза шырзу язгъан.

**Даниял Дибировгъа**  
«Армия», - деп эсгерсенг, Тизиле барагъанлар. Даниялгъа честь берип, Кѳплери къарагъанлар.

**Магъач Гъажиевге**  
Алло, алло деп, Магъач, Сагъа салам берибиз. Янги йылынгъ къутлама, Шулай атив гѳребиз.

**Гъарун Янтиковгъа**  
Сув булан тѳмин эте, Районну, къотанланы, Чачыв, сюрюв, сугъарыв - Гъарун оланы яны.



**Элмурза Моллаевге**  
Баш докътургъа ѳравум: Больница къалсын бошап. Гелгенлер ял алагъан, Санаторийге ошап.

**Гъажи Гъажиевге**  
Гъажи гъар гюн тилев: Гѳче ярыкъ сѳнемесин. Гъалекликъ къара ахшам Адам ону гѳрмесин.

**Марат Алтавовгъа**  
Юрт хозяйствосу ишлей: Сюрюв, чачыв, оьсдюрюв. Заманы гелсе болар, Берекет сирив - сирив.

Уьюнг булан ишингге. Савлукъ, насип, берекет, Янги йылгъа ѳравум: Этер ишинг бютюн эт.



**Шамил Юсуповгъа**  
Ябушув, чачыв, оюн, Яшлар турмай талаша. ДЮОШ-ни башын тутгъан Шамил, сен узакъ яша!

**Саида Атаевагъа**  
Пенсиялар арта деп, Хабар бола, билебиз. Артмай шо кюйде къалса, Баш салланып гелебиз.

Мухбирлер, секретарь Газет учун ишлейлер. Сизге абур, макътав, сый, Разиликден тюшмейген.

# Янги йылыгъыз къутлу болсун!

Янги йылгъа ѳравум, Савлукъ сизге, адамлыкъ. Халкъ арада абур-сый, Гюллердей сизге къылыкъ.

Яхшы къылыкъ, таза ой. Гъар ожакъда Янги йыл Болсун даим уллу той!

Сюндюрсюн сый этип, Берекетден хабарын.

Янги йыл явсун сизге, Намус, байлыкъ берекет. Тас этме адамлыгынг, О яшавунгъа некет.

Янги йыл гирип гелсин, Гъар ожакъгъа къарамай. Аврув, ёкълукъну ташлап, Миллетингни сорамай.

Ашлыкълардан беженлер, Сиз айтгъан кюйде толсун! Янги йылыгъыз Сизин Халкъым, кѳп къутлу болсун!

Гъар уьйде болсун моллукъ,

Янги йыл сизге насип Иржайсын, берсин барын!

**Эльмурза ТОНАЕВ.**  
Бабаюрт.



Эсги йыл бите тура, Ёл ачып Янги йылгъа. Биз ону къаршыларбыз, Тийишли гѳрюп сыйгъа.

Лапа къар явмасмы экен? Билмейбиз къайда яшай, Сувукъмурза гелмесми экен?

Яшлар гѳзлей экенни, Юхлап тошюнде гѳрмей.

Гъакъ юрекден къутлама, Къардаш-досну бу гече. Насип, савлукъ ѳрама, Кѳп сюемен нече де.

Къар къызын гелтирмеге, Арба да ёкъ, чана да. Билмейбиз къайда яшай, Артындан бармагъа да.

Янги йыл ѳравланы, Язга турсам битмежек. Мен айтгъан алгъышлар, Юреклерден гетмежек.

Алда йимик къар явмай, Агъач чана егеген. Уьстюне тонну тѳшеп, Тери тонну гиеген.

Бѳрю алып къачгъандай, Къартны емиш дорбасын. Сувукъмурза яз суймей, Яллатгъан дей арбасын.

**Къасумхан-гъажи ГЪАЖИЕВ.**  
Адильянгьюрт.

Янги йыл гече сама,

Сувукъмурза шюшгюрмей, Уялып юртгъа гелмей.



